

**Mittarfeqarfiit A/S pillugu Inatsisartut inatsisaat****pillugu****Sanaartornermut Ataatsimiititaliap****Siunnersuutip aappassaaneerpeqarneranut****ISUMALIUTISSIISSUTAA**

Sanaartornermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Inuit Ataqatigiit, Siulittaasoq  
Inatsisartunut ilaasortaq Siverth K. Heilmann, Atassut, siulittaasup tullia  
Inatsisartunut ilaasortaq Harald Bianco, Inuit Ataqatigiit  
Inatsisartunut ilaasortaq Anders Olsen, Siumut  
Inatsisartunut ilaasortaq Jens Kristian Therkelsen, Siumut

UKA 2022-imi ulloq 28. september siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Siunnersuummi matumani Aktianik piginneqatigiiffimmik Mittarfeqarfiit A/S-imik taaguutilimmik Naalakkersuisut pilersitsinissaannut piginnaatinneqarput. Tamatuma saniatigut suliffeqarfiup nammineertitap Mittarfeqarfiup ilaanik piginneqatigiiffimmut nutaamut tamatumalu kingorna Mittarfeqarfiit Kalaallit Airports Holding A/S-imut 100 %-mik Namminersorlutik oqartussanit pigineqartumut tunniussinissamik Naalakkersuisut piginnaatinneqarput. Nuna tamakkerlugu Mittarfiit ingerlanneqarnerata aqqissugaanikkut pitsaanerpaaffimmiitinnissaa siunertatut pingaernerpaajuvoq.

**Siunnersuutip Inatsisartunit siullermeerneqarnera**

Siunnersuut ataatsimut isigalugu taparserneqarpoq.

**Tusarniaanermiit akissutit**

Siunnersuut piffissami 15. Decemperi 17. januar 2022-mut tusarniaassutigineqarpoq. Tusarniaanermiit akissutit siunnersuummut ilanngunneqarput, tamanna Inatsisartut Siulittaasoqarfianit ilusissatut piumasaaqatinut naapertuuppoq.

Tusarniaanermiit attuumassuteqartut arlallit akissuteqarsimasut, tamatumalu malitsigisaanik Naalakkersuisut allannguutinik arlalinnik suliamut ilanngussaqaarsimasut Ataatsimiititaliap paasivaa.

**Siunnersuuttip aningaasatigut kingunerisassai**

Siunnersuuttip piviusunnngortinnerani aningaasatigut kingunerisassai siunnersuummi nalinginnaasumik oqaaseqaatini allaaserineqarput. Ataatsimiititaliaq tamatumunnga oqaasissaqanngilaq.

**Ataatsimiititaliap siunnersuummik suliarinninnera**

Ataatsimiititaliap Ineqarnermut Attaveqaasersuutinullu Naalakkersuisoq ilisimatitsiviusumik ataatsimeeqatigivaa tassanilu inatsisissatut siunnersuut misissorneqarpoq. Ataatsimiinnermit atortut ilanngussatut 1-tut ilanngunneqarput.

Ataatsimiititaliaq aktianik piginneqatigiiffingortitsineq, Mittarfeqarfiit aamma KAIR-ip kattunneqarnerat, piginnittunut tunngasut, ingerlatseqatigiiffiup ineriartortinneqarnissaanut pilersaarutit, kattunneqarnerani sulisut qanoq inissisimaneranut naalakkersuinikkut aningaasatigullu nakkutilliineq pillugu paasissutissanik ataatsimiititaliaq paasitinneqarpoq.

Mittarfeqarfiit aamma KAIR-ip, kattunneqarnerisa arlalinnik pitsaaquteqartoq ataatsimiititaliaq naliliivoq. Siulersuisut suliamut ilisimasalinnik siulersuisoqarsinnaanissamut periarfissaqalernissaa, immikkut ittunik ilisimasalinnik sulisussaqaarniarnermi unammillertutut inissisimasoaqalernissaa pinngitsoortinneqarniartoq pitsaaqutitut annertuutut taasariaqarpoq. Ingerlatseqatigiiffiup ingerlaqqinnissaa ineriartortinneqarnissaanullu tunngatillugu ataatsimiititaliamit qupperneq 12-mi ilanngussaq 1-miittoq innersuussutigineqassaaq.

**Ataatsimiititaliap inassutai**

- Ataatsimiititaliap isumaqatigiittup siunnersuuttip akuersissutigineqarnissaa inassutigaat

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassanngortippaa.

Kristian Jeremiassen

Siulittaasoq

Siverth K Heilmann

Siulittaasup tullia

Anders Olsen

Harald Bianco

Jens Kristian Therkelsen